

Dagiti Karbengam ken Proteksionmo Kontra kadagiti Di-mapakadaan a Medikal a Gastos

No mangalaka iti emerhensia a pannaripato wenno agpaagaska iti provider iti ruar-ti-network iti ospital iti uneg-ti-network wenno ambulatory a sentro ti operasion, maprotektaranka manipud iti panagsingir iti balanse. Kadagitoy a kaso, saan ka a rumbeng a masingir iti nasursurok ngem kadagiti copayment, coinsurance ken/wenno deductible ti planom.

Ania ti “panagsingir iti balanse” (no dadduma ket maawagan iti “di-mapakadaan a panagsingir”)?

No mapanka iti doktor wenno sabali pay a provider ti pannaripato ti salun-at, mabalin nga adda bayadam a gastos manipud iti bukod a bulsa, kas iti copayment, coinsurance, wenno deductible. Mabalin nga adda nayon a bayadam wenno masapul a bayadam ti intero a bill no mapanka iti maysa a provider wenno mapanka iti pasilidad ti pannaripato ti salun-at nga awan iti network ti plano ti salun-atmo.

Ti “ruar-ti-network” ket kayatna a sawen dagiti provider kan pasilidad a saan a nakikontrata iti plano ti salun-atmo tapno mangipaay kadagiti serbisio. Dagiti provider iti ruar-ti-network ket mabalin a mapalubusan a mangsingir kenka ti diperensia ti bayadan ti planom ken ti kumpleto a gatad a masingingir para iti serbisio. Daytoy ti maaw-awagan a “**panagsingir iti balanse.**” Nalabit a dakdakkal daytoy a gatad ngem kadagiti gatad iti uneg-ti-network para iti kapada a serbisio ket mabalin a saan a maibilang iti deductible ti planom wenno tinawen a limit mo iti aggapu iti bukod a bulsa.

Ti “di-mapakadaan a masingir” ket maysa a di ninamnama a bill ti balanse. Mabalin a mapasamak daytoy no di mo makontrol no siasino ti karaman iti pannakataripatom—kasla koma no addaanka iti emerhensia wenno mangiskediulka iti panagbisita iti pasilidad iti uneg-ti-network ngem di ninamnama nga agasannaka ti maysa a provider iti ruar-ti-network. Ti di-mapakadaan a medikal a gastos ket mabalin nga aggatad iti rinibu a dolyar depende iti procedure wenno serbisio.

Protektado ka manipud iti panagsingir ti balanse para iti:

Dagiti serbisio iti emerhensia

No addaanka iti emerhensia a medikal a kondision ken mangalaka kadagiti serbisio iti emerhensia manipud iti provider wenno pasilidad iti ruar-ti-network, ti kaaduan a mabalin a singirenda kenka ket isu ti gatad ti cost-sharing ti planom iti uneg-ti-network (kas kadagiti copayment, coinsurance, ken deductible). **Saan** daka a mabalin a singiren para kadagitoy nga emerhensia a serbisio. Mairaman ditoy dagiti serbisio a mabalinmo nga alaen kalpasan a mapasayaat ti kondisionmo, malaksid no mangtedka iti nakasurat a pammalubos ken isukom dagiti proteksionmo a saan a masingir iti balanse para kadagitoy a serbisio kalpasan a sumayaat ti kondision.

Sumagmamano a serbisio iti maysa nga ospital iti uneg-ti-network wenno ambulatory a sentro ti operasion.

No mangalaka kadagiti serbisio manipud iti ospital iti uneg-ti-network wenno ambulatory a sentro ti operasion, mabalin nga adda iti ruar-ti-network ti sumagmamano a provider. Kadagitoy a kaso, ti kaaduan a mabalin a singiren dagitoy a provider kenka ket isu ti gatad ti cost-sharing ti planom iti uneg-ti-network. Maipakat daytoy kadagiti serbisio iti emerhensia a medisina, anestisia, pathology, radiology, laboratorio, neonatology, katulungan a surgeon, hospitalist, wenno intensivist. **Saan** daka a mabalin a singiren dagitoy a provider iti balanse ti bill ken **saan** da a mabalin a kiddawen kenka nga isukom dagiti proteksionmo a saan a masingir iti balanse.

No mangalaka kadagiti dadduma a kita ti serbisio kadagitoy a pasilidad iti uneg-ti-network, **saan** daka a mabalin a singiren dagiti provider iti ruar-ti-network iti balanse, malaksid no itedmo ti nakasurat a pammalubosmo ken isukom dagiti proteksionmo.

Sika ket saanto kaanom a mabalin a maobligar nga isukom dagiti proteksionmo manipud iti panagsingir ti balanse. Saanka met a maobligar a mangala iti ruar-ti-network a pannaripato. Mabalinmo ti agpili iti provider wenno pasilidad nga adda iti network ti planom.

No saan a mapalubusan ti panagsingir iti balanse, addaanka met kadagitoy a proteksion:

- Sika laeng ti responsable para iti panagbayad iti bingay mo iti gastos (kas kadagiti copayment, coinsurance, ken deductible a bayadam koma no ti provider wenno pasilidad ken adda iti uneg-ti-network). Bayadanto ti plano ti salun-atmo dagiti aniaman a nayon a gastos iti mismo provider ken pasilidad iti ruar-ti-network.
- Kadawyan, ti plano ti salun-atmo ket masapul nga:
 - Bayadanna dagiti serbisio iti emerhensia a saan a mangobligar kenka a mangala iti pakauna a pannakaaprubar dagiti serbisio (maaw-awagan pay kas “umun-una nga otorisasion”).
 - Bayadanna dagiti serbisio iti emerhensia nga ipaay dagiti provider iti ruar-ti-network.
 - Ibasarna ti rumbeng a bayadam iti provider wenno pasilidad (cost-sharing) iti bayadanna koma iti provider wenno pasilidad iti uneg-ti-network ken ipakitana ti gatad iti pannakailawlawag dagiti benepisiom.
 - Ibilangna ti aniaman a gatad a bayadam para kadagiti serbisio iti emerhensia wenno serbisio iti ruar-ti-network iti deductible mo iti uneg-ti-network ken limit ti manipud iti bukod mo a bulsa.

No iti panagkunam ket biddut ti panagsingir kenka, ti pederal a numero ti telepono para iti impormasion ken dagiti reklamo ket: 1-800-985-3059.